



Summus Dux, cum Duce redux.

**P**Er varios casus, per multa pericula præcep,  
 Carolus Hesperias Princeps du tendit in oras,  
 Ausis insignis Iuvenis, gestisque beatus;  
 Dux Deus in cælo (sunt cui regalia curæ).

Exitit, atq; animo Dux, præstans fœmina facti  
 (Fœmina, fœmineo nam quis non cedit amori?)  
 Ast inter proceres quis Dux, cui credere tantum  
 Et regni, & Regis pignus, terræq; mariq;  
 Dignus erat, tacitâolvebat mente Iacobus  
 Anxius, & cæcos eventus pervolat omnes.  
 Hunc pietas, hunc sancta fides, hunc bellica virtus  
 Regi offert, hunc nobilitas per secula clara,  
 Hunc quod longinquas olim percurrere terras  
 Doctus, multorum mores lustravit & vrbes;  
 Maxima sic inopem Iacobum copia reddit.  
 Atis, erat medius inter, dulcissimus Atis,  
 Splendens seu stellæ cælo inter Luna minores;  
 Atis pulcher Atis, tum mente & corpore gratus,  
 Egregio flore gra nitent, totusque renidens  
 Delicijs, quocunq; micat, succendit amorem;

Hunc placet ire viam: placet ab! placet at quia tantum,  
 Displicet; & tristi secum hæc sub corde volutat.  
 Heu! quid agam, vario distractus pondere rerum?  
 Mille adstant, & mille viri; & de millibus vnum  
 Cuius consilio, fideique, soloq, saloq,  
 Committam carum Carlum mens nescia figi  
 Non cernit; solumq, Atin, compulsæ, ministrat.  
 Infœlix! animas cogor dimittere binas,  
 Protinus expirat qui tantum emisit vnam.  
 Natus vitæ meæ est heu! prima, Atisque secunda;  
 Natus cui viuo, Ati qui in me viuit amore.  
 Namq, lubens fateor, miseri post fata Carin;  
 Solus hic allexit sensus, mentemque dolentem  
 Solatus, Regi vitales addidit auras.  
 Ergo ego cui potius natum committere tentem,  
 Quam cui se genitor commisit pectore toto?  
 Ille eat, hoc certum est: ÷ qui regis omnia nutu  
 Da pater auxilium, cæloq, hæc omnia firma.  
 Hic paulum residens agit atq, mente Iacobus  
 Ambos accersit thalamis, deintalia fatur.  
 Carle meæ vires, & magna potentia regni,  
 Carle salus patri, si audenti extremâ cupido  
 Strenua cœpta sequi est, latoq, inuisere gestu  
 Hesperia campos, Ati mihi gratior vnus  
 Sit tibi dux, aptusq, viæ comes, atq, laborum;  
 Hunc cape consilijs socium, cui pectore primum est  
 Inseruire tibi, cuncta & sufferre pericla.  
 Et vitæ, & mortis, dum se per singula fidum  
 Præbeat, equus Atin fraterno amplectere amore.  
 Et tu dulcis Ati, curæ pars altera nostræ;

Vnquam si de te merui, fuit aut tibi gratum  
 Nostri collum specimen, cari vel pignus amoris,  
 En tibi do maius; natum, mihi gaudia summa,  
 Tantum hic dulce senis, viduiq; orbis, leuamen,  
 En tibi irado meum; manibusq; fidelibus ultro  
 En depono duas vno sub corpore vitas;  
 Immò millenas; patri illum reddere cura,  
 Et patriæ, ille animas nostrum vnus possidet omnes.  
 Huic serui, hunc serua, deque illo, nomine multo,  
 Accipe sollicitus solidas in pectore curas;  
 Tu dux magnus eris, ductorem cum bene ducis.  
 Olim Iacobus cum sederit alius Olimpo,  
 Carolus indomitus tunc dux, tunc omnia, tunc Rex,  
 Et regni, & mundi faciles iam flectet habenas;  
 Teq; ipsum duces, ductorem ducere ductor  
 Doctus, & ingenti te circumvolvet honore.  
 Ergo ite, O Iuvenes, parili contendite nisu,  
 Qui curâ & studio, majori & vincat amore;  
 Vobisq; è summâ benedicat Iupiter arce.  
 Sit Deus ante oculos, curæ sit sacra parentum  
 Relligio, atq; decus regni; & (ni dicere frustra est)  
 Este mei memores: nec plus; nam plura volenti  
 Promere, verba ferox pietas in gutture fixit.  
 Finijt, at Iuvenes lacrimas, quas ille tenebat,  
 Non retinent; largis sed latè effundere rivis,  
 Tum primum discunt, flentes & vertere fluctus.  
 Haud mora; servatis Regis fido ordine dictis,  
 Aptant seq; viæ; famuli mandata capeffunt.  
 Tum prompti redeunt, Regi vale dicere latè  
 Si valeant, densasque alijs offundere nubes;

Latitiam vultu simulant, sed corde dolorem  
 Condunt, vixq; premunt fletus magnâ arte priores.  
 Iamq; viam arripiunt; mutato nomine, fratres  
 Fabri dicuntur; nomen quod signet amoris  
 Duritiem firmam, quæ sera in secula duret.  
 Vultum, habitum fingunt; animum si fingere possent,  
 Et facerent; præstans natura sed æstuat intus  
 Pondere sub duro, fontes & prodit ubique:  
 Adiuvat at novitas, magniq; audacia facti,  
 Et quæ ipsa incautos homines incuria fallit.  
 Mirantur barbam subitam, frontemq; novatam,  
 Seque sibi ereptos flectâ sub imagine ridet,  
 Atque sales passim miscet pro tempore dulces.  
 Interea, rapido cursu properanter equorum,  
 Aequora fida petunt; Aquilas magis esse volatu  
 Credas; atq; ab equis salientes, æquora scandunt;  
 Rursus equos; facilisq; Dei comitante favore,  
 Magnam Lutetiam, dulcem mihi nomine matrem,  
 (Quæ me prima tulit, terris atq; alma recepit)  
 Intran; iamq; viæ multo, cogente labore,  
 Testis se referunt, requies complectitur artus.  
 At iuvenem interea Carlum ingens occupat ardor,  
 Regalis signum mentis, cordisque benigni.  
 Iam pridem optatum nunc fratrem visere, fratres  
 Regales vultus Ludovici; atq; ora tueri  
 Expetit; & miro feruens ardescit amore:  
 Aula seque infert, fido comitatus Achate,  
 Plurima perlustrans oculis, atq; omnia raptim  
 Delibans, avidâ deglutit singula mente.  
 Henrici ingentis pulcrâ pulcro ordine prolem

Cernit, & in visus visus tum proicit omnes,  
 Haud visus (nebulâ ceu quondam obductus amicâ,  
 Phœnissæ ante oculos Aeneas orag, Didus)  
 Nectamen in visus, Galli bona si sua nossent.  
 Verum Reginam studioso lumine primam  
 (Tantus inest animo vehementis morbus amoris)  
 Conspicit, atq, illâ qualis sit forma sororis  
 Iudicat, ex Annâ frontem discitq, Mariæ.  
 Præcipue, Regem rimatur, & omnia queq,  
 Facta & dicta notat, cunis qui ad regna coactus,  
 Fortiter externos infans compresserit angues;  
 Aliâq, (oppositis de victis) pace beatus,  
 Imberbis veterum Regum iam in vasis honores.  
 Ter statuit fratri collo dare brachia circum,  
 Ter porrecta manus, toties se obversat imago.  
 (Os humerosq, Deæ similis) pergrata Mariæ;  
 Illumq, obiurgans avellit, saeva, repente  
 Fratris ab amplexu, atq, viæ se tradere mandat.  
 Iamq, heu! discedit metuens nil præter amorem  
 Carolus, & longos rumpentes pectore planctus  
 Ignorat post se Regina linquere matri;  
 Cum nôrit qualem Heroem, generumq, potentem  
 Et tenet, & perdit, quem nunquam sperat habere.  
 Carole quò tendis? quò per discrimina certa,  
 Incertus pergit: terras nè desere nostras.  
 En tibi certa quies, en virgo, en regia coniux,  
 Que (ni omnes vincit) nulli concedit in orbe.  
 Fata obstant, placidas aliusq, amor obserat aures.  
 Viterius sed iam Carlum comitarier, Ulrò  
 Cliolassa vetat (vos parcite, p'cite Gallo)

Et dolet è nostrâ carum dimittere terrâ.  
 Quod superest operis, celebris quæ protulit aula  
 Illustris, grandis, ter grandis regis Iberj,  
 Regales epulas, pompas, teneros & amores,  
 Lusus, & pugnas, plures de pace triumphos,  
 Et tauros, & equos, & apros, cannaſq; volantes  
 Sponte alijs cedo, melius qui talia possunt.  
 Præclaro Thorio, & prædulci acceptus Etono  
 Sit labor iste novus: sunt hi qui maxima cantu  
 Pollent, quiq; metri, faciles, mihi prima dedere  
 Semina, & exemplis deiectam attollere musam  
 Incendere animum; tales non possidet orbis.  
 Carlum cura mihi est agrojam reddere patri,  
 Languenti patriæ vitam, tum gaudia reſtitui;  
 Atque etiam tortis; iam namq; boniq; maliq;  
 Lascitiâ exultant summâ; gratesq; preceſq;  
 Iunctim, certatim, tanto pro munere fundunt:  
 Festino Carlum telluri inferre Britannæ  
 Ocuis, anne audis miranda celeusmata vulgi?  
 Audis, atq; vides crepitantes æthere flammæ?  
 Efficit hoc Carlus, Carlus qui lumina nostra est,  
 Carlus qui sanguis, Carlus cui vivimus omnes.  
 Carlus enim redijt; Carlum manibusq; tenemus,  
 Iamq; vident oculi; vix sed manibusq; oculisq;  
 Credimus; an forſan fingunt sibi somnia amantes?  
 Salve ô Carle ingens, salve ô par nobile fratrum  
 (Iungit amor quos iura negant) salve te beati,  
 Ambo fulgentes virtutibus, ambo periculis  
 Magnos pro patria docti superare labores;  
 Nunc & amore pares, nunc & redamare periti.

(7)

*Præsertim sed te Carlum salvere iubemus,  
Et Regni, & Regis, Regionis, Religionis,  
Magnum, Ingens, Sacrum, Prænobile Firmamentum;  
Tu qui nos salvas, permulta in secula salve.  
Et salve, & salva; genitore forisq;, domiq;,  
Et bello, & paci, per te in nova tempora saluo;  
Quisq; tibi & nobis longævos impleat annos;  
Carlus sisque orbitam re quam nomine Clarus:  
Et tu, cui natum prudens fiducia Regis  
Credidit, & cui nos parili dulcedine regem  
Credimus, Immensum Regi quoque lenimentum,  
Salve dulcis Atis; semper natoq;, patrique  
Fidus, toto illi sint & tibi tempore grati;  
Verum quippe ducem cum ducis, iamq; reducis,  
Interris, & aquis, & equis, ac æquore felix;  
Quisq; comes comis, sapiens, stabilisq; fuisti,  
Omne dux & re, nunc & cum nomine re dux;  
Atq; redux, triplici tandem redimitus honore;  
Virve diu Carlo carus, gratusq; Iacobo;  
Sedulus, atq; illi rodentes pectore curas  
Sceptri demulcens, annos feliciter adde.  
Iamq; vale Clio, quæ carmina stricta cliente  
Exigis, atq; arcto miserum sub compede vincis;  
Hoc quod opus statuo postremum scribere versu  
Postibus hic appendo tuis; nunc & rude, fessus,  
Donari cupio; in dones, en mihi sumo.  
Ad templa, excelsi pandenda & verba Tonantis  
Eloquio laxo me sacra Vrania ducit.*

L. L. TURVALLIUS, SACRÆ REGIÆ MAJESTATI A  
SACRIS.

